

datum. Intronizor, presideo, agenda incipere satago; in expeditionem inimicos aduersum regis, ne et illi condignum non exhiberem famulitium, mea cum milicia proficiscor; reuertor; ordinatorem meum domi recipio, affamulor, munero; sospitem mihique placatissimum, ut rebar, abeuntem Traiectum usque famulantissime prosequor; uale dulcissimo eius sortior suauius; redeo, episcopatum obambulo; cum prestantioribus ecclesię tam clericis quam laicis agenda pertracto, sua cuique attribuere dispono; profore plurimis obfore nulli, leuare multos opprimere neminem deo suffragante delibero¹⁾. Et si forte paulo incommodior aliquibus, nemini destinaueram tamen manere unquam Olibrius²⁾.

2) (I)sta omnia ita eque et ferre et agere institui, ut nulum cauillatoribus, defuturam quorum non dubitaueram copiam, calumpniandi linquerem locum. Nam nec defuit qui peruerso iudicio proprium mei in ordinatione, ore suo precipue commendata accusare non erubuerit, facti dum penitet, et 'uolo nolo, nolo uolo rursum', puerile Terentii,³⁾ autenticum pertinaciter ecclesiastici uult esse negotii libitum, in dubiis contra interdictum canonum certam non ueritus ferre sententiam non intelligens, nemo absens dampnetur, dum dicitur, quod et idem quoque pariter⁴⁾ contradicatur⁵⁾.

3) (E)t si epistolam Martino Corsicę a beatissimo directam Gregorio legisset⁶⁾ neque pariter neglexisset, aduertere luce clarius quiuisset, pulso alter conceditur dum locus episcopo, desideriis suis se potitum si gaudeat, reprehensione tantę auctoritatis uiri quod careat⁷⁾.

4) (H)ęc dum secure aguntur, ex inprouiso nunciatur Rodulfus comes ciuitatem sedis acceptę non amice quidem, compatrem et beneficio inmodico conductum ut decebat utque putaueram, sed inuasorie introisse. Dumque hoc animum angeret paxillum, medicamen et inquiritur congruum: nocte sequente ciuitatem tu ipse latrocinialiter ingrederis, interrogatusque ab archiepiscopo, qui mihi ut mandauerat succurrere ocus gestiens post triduum aduenit, Terentiane⁸⁾, mihi retulit ut ipse: 'Quid tu Athenis insolens', auunculis ad colloquium te occurrisse dixisti. Quorum alter, id est Reginarius, uesperis, ut discissa morsu eius sonipedis archipresulis⁹⁾ monuit cappa, non sine omine et utique infausto ut reor conuenerat. Aggrediuntur diluculo cum paucis, quoniam quidem inuentus infestari ualuit aptius, machinatum diu fraudis negotium, minis et terroribus discidiı occasione indicibilter animati, iamdictum cum deleneficiis acriter impetentes

1) Et—olibrius von and. Hand. 2) Eine Zeile ist frei. Vgl. Claudiani ep. 3 ad Olybrium. 3) Phormio V, 8, 57. 4) Hier endet f. 1 r. 5) 3 Zeilen sind frei geblieben. 6) Gregorii Registr. I, 79. 7) 3 Zeilen sind frei geblieben. 8) Terent. Andr. V, 4, 4. 9) Mit archi endet f. 1.